

vnd Iwer kon. Maj. Senden vnd wer ith lake¹⁵⁾ dath van mynen Schepen arkeyn¹⁶⁾ In den Sunth segelen wurde Szo wil Ick gern eyn del ekene Balen In den Sunth Schicken Sunder ander Schipp willen dar nich wal an. — Iwer kon. Maj. Dener Cristoff Weger is hir By my gewesen vnd hefft hir gekofft etlick kabelgarn vnd ethlick segeldock vnd ander tuch dath he geschepeth hefft Sunder wedder vnd wint hefft de Schepe van hir nicht lathen wyllen.

Sunder Ick hebbe em ok etlick pick geborgeth III lasth vnd he is gereyseth vmen lanth vnd wo he den dath Iwer kon. Maj. wal wyder seggen warth.

—. myn goth Duncken wer dith Dath Iwe kon. Maj. I offthe II Schepe mith den aller ersthen hir leth kamen vnd Brachten hir XL offte vöfflich lasth gode frische garsthe vnd XXX offthe XL lasth goden hafer de sollen hir nw vor ith ersthe vmen trent¹⁷⁾ myth fasthen wal vorkofft syn offthe var osteren Jo er Jo Bether den Szo wolde Ick Iwer kon. Maj. gern Solcke lange geschnedene ekene bolen vnd wagenschoß vnd klapholt weß Iwer kon. Maj. Bagerth gern In Iwer kon. Maj. Schepe van hir Senden vnd wor Inne Ick Iwer kon. Maj. wyder In tho Densthe vnd tho wyllen syn kan Dath wil Ick gern Don wilth goth.

—. Van Tydinge weth Ick Iwer kon. Maj. nicht sundriges tho schriften den Dath de torcke Nach starck In Vngerem licht mith felen folcke vnd de Dutschen hebben nicht fele gewonnen offte vorschaffeth wedder de torcken goth Bethert vnd ith steyth tho befurchten dath de torcke ock wyl eynen krigk an hefen wedder vnsen hern konigk In polen dar goth vor sy vnd socht etlicke unbyldige orlake wedder den konigk vnd wo den dath wyder geschen warth dath salmen mith der tydt wal wyder horen vnd wen Ick wath godes warde horen dath wyl Ick Iwer kon. Maj. gern densthbarlick tho wethen Dan wilth goth Dem Ick Iwe kon. Maj. mit sampth alle den Iwen tho langen Dagen selich vnd gesunth bofele. geschreffe tho Danzke am ersten mydweke In Der Fasten anno 49.

Iwer kon. Mat.

densthwilliger

Jacob Kampa.

—. al disse vorgeschrefene kopie dergelyken hebbe Ick an kon. Maj. In Dennemarcken — mynen genedigen hern vor dysser tydt In twe Brefen geschrefen vnd ock sunsth van tidinge de Ick hir vp de tidt gehort hebbe Vnd Ick hebbe hir nach ock nach solckeynen Breff Boreyt den Ick ock syner kon. Maj. mith den ersten van hir senden wyl.

15) s. oben III, 11.

16) irgend ein.

17) umtrent = circa, circiter ungefähr, um herum, vgl. Brem. Nieders. Wörterb. V S. 149.